

海門縣志集之三

建置第五

夫垂象定位理也崇顯絀微分也懸器辨物法也聖人之治別羣司以名職飾廉宇以示等貴有常尊賤有常卑凡以教民易使也是故國家之建置有弘繫焉豈其尊侈炫尊而已哉居之者原理以會同顧分以思溢緣法以受紀所以秩羣動而明司存也海門舊治受噬江濤諸所

海門縣志集之三

營建耳存目亡矣不有昉事者以輸其勞紹志者以綴其隙何以蒞百姓而昭遺休乎是故傑構飭而享其成者功集丹雘纘而興夫歎者思長殆後祀之不容泯也

縣治

縣治初與崇明比境元至正中以江患北徙禮安鄉尋火於兵

國朝洪武元年知縣徐伯善重建規制創備二十

有三年圯於風潮縣丞李選改新之嗣後歲久  
墳蔽知縣齊福東龔鑑蕭緒縣丞郭德先後墜  
茨僅可居蒞正德七年颶濤溢作溺民漂屋官  
民之居蕩然一墟巡按御史江良貴行縣歎曰  
江勢若此而重遷是誕勸憂也迺躬相善地得  
餘中場北境以爲廡阜遂謀遷焉疏其事以  
聞得請迺屬知府孫祿檄知州高鵬知縣王宣董遷  
事羣職屬枕民迺和會越三歲而底績時行築

小吏失職且容土易陷知縣裴紹宗趙九思相  
繼繕治以爲永圖中爲堂右爲庫後爲退堂典  
史廳在堂左東西分列六曹南爲儀門門中各  
一道中道樹戒石覆以亭門之外左爲土地祠  
右爲獄南爲譙樓退堂之後爲知縣公舍左右  
爲佐貳舍左之南爲首領舍又南爲吏舍旌善  
亭在譙樓右申明亭在譙樓左

知縣一人

縣丞一人今裁革

主簿一人

典史一人

六房吏二十四人

里長三十七人

老人三十七人

書手三十七人

門子二人

皂隸二十人

祗候七人

馬夫三十人

禁子五人

庫子二人

公署

察院在縣東南知縣裴紹宗建門子二人

。海門縣志集之三

三

官亭在縣南知縣陳錠建

學宮

學在縣東南與縣治同建時執扑者亟於成且以故材爲新而私其價尋復雁側良有司相繼改葺漸就堅飭中爲孔子殿知州蔣孔煬知縣裴紹宗重修左右爲兩廡左廡知縣吳宗元重建前爲戟門又前爲櫺星門門之左爲儒學門又前爲泮池殿後爲明倫堂知縣裴紹宗重修

堂之東西爲二齋東曰居仁西曰由義二齋之南左爲育材門右爲企德門御史盧楫知州蔣孔煬知縣裴紹宗建堂之北爲敬一箴亭亭之東爲

啓聖公祠知縣陳錠建齋之東爲號房又東爲名宦祠知縣吳宗元建西爲鄉賢祠西南之右爲神厨知縣裴紹宗建亭之北爲教諭公舍西爲訓導舍學之東爲射圃

祭器

祝板一

銅籩豆三百

錫簠簋六十八

銅爵一百四十

知縣吳宗元重置

香爐三十

篚十

酒尊三

酒杓三

羹碗二十

毛血盤十

牲匣十

牲卓十

燭臺五十

木盤三十

書籍

四書大全

易經大全

書經大全

詩經大全

春秋大全

禮記大全

性理大全

通鑑節要

五倫書

大誥三篇

為善陰騭

孝順事實

教諭一人

訓導二人今裁革一人

學生二十人

增廣生二十人

附學生不限數

司吏一人

門子三人

斗級二人

庫子一人

膳夫四人

海門縣志集之三

五

廟夫二人

社學二一在縣南一在縣東教讀各一人

桐曰我

國家之教學其闕舉廣猶矣乎羣於學校歸以地

也聯以師儒簡厥從也授之經術範迺稽

也奉以孔子嚴所宗也孔子之道聞諸三

代之教皆所以明人倫也上之奠麗

也不悖下之從肄也弗經而徒曰佔畢為

焉非學也

諸屬

呂四場鹽課司在縣東七十里大使一人副使一人吏二人

吳陵巡檢司在縣東七十里人和鄉洪武三年建

張港巡檢司在縣西十里智正都洪武三年建二司人數見兵防

海門縣志集之三

六

陰陽學在縣治東訓術一人

醫學在縣治東訓科一人

僧會司在西禪寺僧會一人

道會司在修真觀道會一人

兵防

大河口寨在縣東陳壩莊備倭通州所千戶一人軍二百人

料角寨在縣東人和鄉備倭通州所千戶一人

軍五十人

徐稍寨在縣東禮安鄉備倭通州所百戶一人  
軍五十人

提督備倭揚州衛指揮一人

吳陵巡檢司巡檢一人吏一人弓兵五十人  
張港巡檢司巡檢一人吏一人弓兵五十人  
教場在縣東北民壯一百四十人

桐曰仲長統謂作有利於時制有便於物

者可爲也事有乖於數法有翫於時者可  
改也夫天下之不可翫而所當振者非兵  
與兵之弗閑將之匪人也將不思職功罪  
靡章也賞不絀功罰不揜罪仁義之道也  
故曰文之所加者深則武之所服者大德  
之所施者博則威之所制者廣此湯武之  
仁義有加於桓文秦魏也

預備倉在縣治東北知縣陳誨定址趙九思建  
便民倉在縣治南知縣陳錠建

養濟院

附

裴紹宗建陳錠遷便民倉西

舖舍

縣前總舖舖司兵六人

新寨舖在縣西十里接州界舖司兵五人

沈家舖在舊縣西舖司兵一人

新橋舖在舊縣西舖司兵一人

海門縣志集之三

八

壇壝

附

社稷壇在縣西北知縣王宣建門子一人

風雲雷雨山川壇在縣東南知縣王宣建門子

一人

邑厲壇在縣北知縣裴紹宗建門子一人

鄉厲壇在各鄉知縣裴紹宗建

橋梁

附

廣德橋在縣西南永樂中造正德七年耆民蔡



祥寶錦易以石

澄清橋在察院左知縣裴紹宗造

定安橋在察院右知縣王宣造

豐寧橋在縣西知縣裴紹宗造監生錢鎰易以

石

惠民橋在縣東知縣吳宗元造

飛鯉橋在儒學東

通濟橋在縣西南俱裴紹宗造

海門縣志集之三

九

瞻斗橋在縣北主簿朱慙造

王公橋在縣東南知縣王俊造

祠堂

附

文丞相祠在西禪寺通州判官史立模置有記

栢林趙公祠祀賢父母趙十岩祠在儒李含秀

堂東北士民共建李春芳表隨有記前有留

惠泉桂集安有記

寺觀

附開福寺

西禪寺

俱唐時建

會聖寺

法輪寺在縣東八十里人和鄉

脩真觀在舊縣今遷縣治南

大澤觀在縣西十里智正都

崇真觀在縣東六十里呂四場

貂兔廟在舊縣今遷縣東

真武廟在呂四場

禮制第六

夫禮也者民之大防矣乎昔齊景公憂陳氏之得民也晏子對曰唯禮可以已之蓋禮也者天地之經也民之紀也太乙肇分無事雕飾酌流焚豕亦無得而闕焉是故虞舜懼其墜也而修之周官懼其僞也而防之天產地產陰德陽德靡弗俱達焉故曰大人舉禮樂則天地將爲昭焉而況於人乎

國家敦教明度飭物導規同民心以出治道者明崇禮樂幽重鬼神事並夫時法承乎象情生于心所以通變著誠而示之趨也海門分屬同倫並被嘉祉雖無賢者以識其大寧無識其小者乎歐陽子曰三代而上治出於一而禮樂達於天下三代而下治出於二而禮樂爲虛名嗟夫實用之効恭敬流於閭里虛名之弊名物藏於有司習其器而不失其意存其末而不離乎本

聖人制禮之意其庶幾矣乎爰列時典用昭盛制而考法守云

公儀

萬壽聖節

皇太子千秋節正旦冬至節

朝廷遣使開讀

詔勅新官上任立春鞭春日食月食俱知縣帥僚屬行禮如

制

祀典

歲春二月秋八月上丁日遵

制祀

孔子配四子及十哲從祀諸子漢唐宋元諸先儒是日遵

今上皇帝制祀

啓聖公祠以先賢顏無繇曾點孔鯉子夏孫氏配

以先儒程珦朱松蔡元定從祀

歲春二月秋八月上戊日祀

社稷之神上巳日祀

風雲雷雨之神山川之神城隍之神

清明七月望十月朔祀厲壇牒城隍之神主之  
春秋仲月上巳日祀南壇畢各官具常服詣名  
宦祠祀宋天章閣待制沈起丞相文天祥

國朝兵科給事中前海門縣知縣裴紹宗復詣鄉

賢祠祀

國朝義士李閏甫傳見義士類

勅封徵仕郎郴州同知崔潤 附傳潤字澤民號朴  
庵制行端慤口無擇言父鑽家法嚴飭潤事之  
惟謹鄉評以孝稱篤志好學歲試每居首選成  
化中以太學生授山東藩司都事以父憂服闋  
改湖廣陟郴州同知居官清介勤慎所在皆有  
惠政為時推重以九載無過當道上其狀

詔勅封以嘉之恩及其配張氏追贈其父母年六十  
乞老林居三十有四年養高守義無所伎求日  
唯讀書吟詩教諸孫而已潤性謙和不校人過  
雖見鄉里童子亦以禮遇至聽其言論仰其威  
儀凜乎不可犯也壽九十有四卒君子以爲盛  
德長者云

教諭朱衣撰

桐曰神以類享民以族祀民神異業崇禮  
明義而嘉生錫焉謂神之所蠲非以瀆也

是故聖王將致力於神而難且慎焉尊而  
養之者禮也秩而叙之者義也禮義修而  
神無吐矣否則用王祀也爲召姦震展廟  
也爲德薄誰則肆之

國家斯典尊尊也親親也賢賢也報德報功也不  
忒不愆王者之中制也

鄉飲酒禮

歲正月望十月朔縣官就明倫堂舉行如

制

桐曰孔子云吾觀於鄉而知王道之易易也鄉飲之禮非風化之攸繫乎古之鄉飲有四一曰三年賓興賢能二曰鄉大夫飲國中賢者三曰州長習射四曰黨正蜡祭成周之盛制也我

太祖高皇帝歲制二舉其飲國中賢者之義與伏讀大誥所謂別姦頑異罪人者何蓋尊之以禮所以

。海門縣志集之三

十五

勸其成耻之以等所以沮其漸傳曰禮之教化也微其止邪於未形使民日遷善遠罪而不自知也其斯之謂與